



10020

涉江草卷三

松陵吳樹臣鶴亭氏著

五言排律

遊端州七星巖次官允巖藕漁先生韻

臥想幽棲勝乘閒取徑過芙蓉分翠嶒石鼓響巖
阿竈寂封丹轉泉淙憂珮珂飛雲添作錦映水壘
成螺面面聯珠合峰峰削玉多藏龍森洞壑伏象
儼盤陀醉石鋪青蘚仙牀席紫莎捫蘿松舞鶴泛
渚芰堪衰剝落尋碑字悠揚叶棹歌探幽無遽返
爭柰夕陽何

涉江草卷三

頌獻姚大中丞

聖澤被敷天元猷控極邊崇臺彰化日開府靖蠻
煙汪濊滄江森彤雲劔閣懸澄清先百吏綏動溢
千塵授鉞茲經緯司刑昔秉權聲名從此盛地望
擴無前薇省訐謨大荷囊抗疏堅 主情常特眷
朝議必居先卿月光逾迥中台坐獨專霜生焚草
筆春發夢刀篇巴夔哀鴻鴈岷峨啼杜鵑 楓宸
蘇萬物玉節振全川皎潔冰壺映清風布被穿率
僚唯克儉化蜀徧聞絃 帝識心如水童謠不愛
錢絲綸申命切條令口碑鐫膏渥禾苗潤榮欣草

木妍樹仍秦棧綠花復錦江鮮相業開元舊醇儒
茂叔賢勳庸資密勿理學契真傳浩瀚淵襟闊崢
嶸嶽峙連耽書習貯萬著作帙成于當代推無兩
明公獨懋焉久思瞻氣象今喜託陶甄末吏慚非
役巖疆絕戶編冰兢承宇下蒲伏仰衡銓薄質蒙
衣被高軒幸執鞭頰鱗尋煦沫鶴羽藉飛鸞

謁先主武侯廟用杜工部韻

炎祚規模遠中興仗一人九州分割地三顧眷垂
綸經略雄圖主交孚一德臣吞吳謀未展削魏策
艱辛巫峽兵機挫永安帝業屯祁連期復漢斜谷

涉江草卷三

二

會通秦灑血精誠徹遺囊祕計神干戈拓地軸道
德潤龍鱗未得天時順難移四海春襟期千載恨
勳帛萬年新瞻謁丹青闕悲歌涕淚頻雕梁皆宿
朽碧瓦半承塵將相分班肅君臣祠祭親英雄多
會合神武契真鄰廟中旁列者關張龐趙黃忠費
禕蔣琬董允姜維關興張苞劉
豐共十二人廟貌堪終古碑珉直億緡駐觀三絕筆坐
臥倒衣巾廟止存大碑一道乃裴晉公撰文柳子
寬楷書合之武侯功德世稱三絕碑者

此卽

七言絕句

秦淮雜詠

六朝風景羨當年
水榭紅闌勝地傳
偏是月明人靜後
愴懷多少倍淒然

其二

渡頭佳話擅傾城
秋水盈盈憶美名
桃葉風流存舊浦
故教煙柳惹多情

其三

畫船故故蕩河橋
長笛聲聲雜短簫
子野無端邀一弄
至今笛步令魂消

涉江草卷三

三

其四

旭露朝霞煙樹迷
小樓遮處遠山齊
晴開銀色如飛瀑
雨過青峰浸碧溪

其五

隔岸輕妝傷曲闌
風神澹澹復珊珊
宓妃無限嬌姿態
只作凌波圖畫看

其六

綠水波搖柳萬條
彩虹飛處夾雙橋
漁舟偏愜清秋興
半唱吳歌半倚橈

其七

客醉更殘雨後天家家燈火滿長川光浮疑漾西
江月遙共星橋徹水邊

其八

秋高河淨月初過莫辨銀光與白波十二珠簾渾
卷却分明歷歷對嫦娥

其九

話說當時舊教坊宮詞豔曲舞霓裳只今腐草荒
階土紅燭香奩兩渺茫

其十

烏巷凋殘玉樹林鍾山草木盡蕭森彎彎一片秦

涉江草卷二

四

淮月照出興亡千古心

黃俞邵曰金陵古今題詠以劉夢得山圍故國
杜牧之煙籠寒水二截句爲絕唱鶴亭年兄十
章寓淒音於逸響託曠旨於微辭殊酷似之昔
人每謂古今人不相及豈其然哉

水仙

亭亭縞素著黃冠仙子凌波帶笑看秋水爲神塵
不染香銷殘夢有餘寒

喜晤王元白大令

握手春明悵夕曛相思更復念離羣吹笙仙嶺人

何處盼斷清秋幾度雲

其二

句曲峰高煙靄生忽傳飛鳥話燈檠卽今秋水澄
如許叔度汪波倍有情

曲江至樂昌道中

曲江江曲水溶溶山色藍于畫黛濃不是東風能
解意那令削出翠芙蓉

天雨初霽

其二

雨餘晴暖碧雲新兩岸黃花滿地春樹裏人家圍
疊嶂弄潮漁父棹歌頻

步江草卷三

五

其三

鷺宿沙汀伴客船灘聲驅石響潺潺月明浩渺巒
俱寂猿叫何峰醒醉眠

舟發樂昌度瀧

萬山叢裏碧溪流積翠紅泉面面收一葉艤船穿
石出山根勁敵弄篙柔

其二

怪底灘頭似鑊釘雪濤衝斷卷流沙驚人直倒千
山水箇箇穿腰入水擘

瀧人皆以竹穿腰扛舟逆流而上

其三

松篁夾峽入風清照眼山花嫣笑迎幾疊泉飛花
滿澗春泉春色倍多情

其四

雨後峰青萬壑幽山凹洞穴綠蘿稠鷓鴣啼罷黃
鶯囀春信偏多在嶺頭

其五

忽漫晴巒朝霧滿青蔥樹色遠煙寒白芒龍裏濤
千丈飛掣雷霆瀉紫瀾

龍名有六一曰白芒龍一曰驚龍一曰腰龍一曰梅龍一曰滁龍一曰韓龍有韓文公廟

其六

涉江草卷三

六

驚龍纔過又腰瀧百丈牽舟石角扛怪絕地維何
峻險蛟龍噴擊鬪中江

其七

瀧中白浪似層冰瀧裏花源勝武陵紅白枝枝藏
綠樹香風飄漾碧波澄

其八

梅瀧翠壁娟娟秀攀徑尋花載滿船到處猿啼添
客淚一聲聲並水潺湲

其九

村落高低傍石邊人家茶栗種山田舟橫石礪牽

難渡絕似乘槎欲上天

其十

滁瀧灣裏綠陰濃
百道泉噴水底峰
雪色拍天天一色
下瀧陡絕更怱怱

其十一

韓瀧佳勝暮添煙
翠巘藤蘿映滿川
斜照夕陽波似錦
銀濤萬斛沸如煎

其十二

六瀧澎湃迴堪愁
遺廟森陰控上游
吏部文章稱

砥柱狂瀾千古自安流

韓文公貶潮經此瀧人立廟奉祠因名韓瀧

涉江草卷三

七

瀧西

瀧西溪澗水溶溶
山氣渾如花氣濃
杜老閒吟巴月落
彩雲飛處卽巫峰

忠州東坡

白傅風流詩思狂
東坡百卉日相將
龍昌柳色垂垂絲
不獨香霏豔海棠

其二

溪泉屈曲數峰藍
樓畔紅妝荔子甘
不是江州移刺史
如何圖寄有餘酣

荔支園

涪州卽楊貴妃舊園

聞道涪江荔子丹，頻煩驛使到長安。
盛將玉椀晶盤賜，色映紅顏博笑歡。

其二

葡萄仙種上林多，何事深宮尚憶他。
甘比瓊漿天上至，那知血淚滿江波。

榮昌至內江道中感懷并東史容菴徐耦巖
兩明府

枳棘蒿萊拂馬蹄，荒原極目夕陽西。
石階廢井蒼苔濕，莫問當年碧瓦齊。

其二

涉江草卷三

八

畫眉叢竹數聲幽，好鳥嚶嚶和嶺頭。
最是子規啼血，分明訴盡蜀人愁。

其三

微茫蛛子僅纖毫，撩亂征車撲面高。
慣刺肌髓看不見，教人何處著爬搔。

其四

踏徧深林逐鹿麀，野煙寂寂悄無塵。
從今莫唱巴渝曲，唱出巴吟愁殺人。

其五

甲第千甍盛內江，猶餘碑碣識名邦。
劫灰漫逐東

流盡只有東流水自淙

黃鶴樓

煙濤萬里互長虹九龠丹經爐火紅玉笛一聲乘
鶴去樓頭縹緲做仙風

睡仙亭

寸田尺宅守天真夢覺渾忘形影神踵息靜觀大
化理關元嘘吸自生春

仙棗亭

安期果熟大如瓜竊啖飛空侯道華一局閒枰忘
世事不知落實幾番花

涉江草卷三

九

小孤山

山之絕頂有小姑神梳妝亭現存

玉女煙鬟翠岫孤妝臺秀媚撲肌膚彭郎莫漫相

思渴瘦削人人愛小姑

江側有石磯名曰澎浪磯相傳爲彭郎磯以彭郎卽

小姑婿也東坡詩有小姑前年嫁彭郎之句

竹樓

黃州治西宋王禹偁建今太守王元公新脩草閣

嬋娟翠色獨干雲草閣憑臨煙靄分細雨蕭疎青

過黛子猷那日不思君

山響樓

石鐘山

萬籟無聲山有聲噌吰常使鶴飛驚小樓春色波
光滿明月扁舟響倍清

涉江草卷四

松陵吳樹臣鶴亭氏著

詩餘

揆春令 別意

幾番花信欲揆春却匆匆過了支那巖畔海棠嬌
豔春思縈人多少 簾幃刺繡鴛鴦小惹芳心悄
悄報道情人被相思瘦損怎把佳音杳

菩薩蠻 月夜

西風吹徹行雲淨姮娥放出明如鏡花影滿闌干
光澄夜更寒 早梅爭破臘帶月香幽絕花月白

涉江草卷四

于霜娟娟晚妝

又

長空萬里金波潤鴈聲嘹唳天邊陣淒切玉闈人
香銷夢不成 穿簾蟾彩透映閣疑清晝起坐泪
相思憑楹低翠睂

憶秦娥

霜風峭凍雲吹斷愁容掃愁容掃梅枝弄影報春
將到 淒涼怎柰紗窗鬧颼颼簷前殘夢覺殘夢
覺萬千離恨和誰知道

臨江仙 登燕子磯

獨上孤亭凭石巔
洪流吳楚連
天山浮動接雲煙
江光如畫一一照磯前
削壁衝濤搖日夜
玲瓏燕剪誰鐫疑
從王謝掠江邊
舊巢新壘憑乎是
當年

蝶戀花

登金陵雨花臺上
有方正學先生祠

秋老峰青爽氣肅
萬井煙橫
撩亂丹楓水臺上
雨花何日雨滴成
細石如珠玉
日落晴江光似浴
遺廟空祠寂寞依
修竹慷慨悲秋無限恨
斜陽不盡歸鴻目

漢宮春

壬戌春偶游茗上沈允斌
太史招往道峰訪桃漫賦

涉江草卷四

二

春色堪佳羨晴嵐
如畫碧浪浮沙
最愛青垂柳眼紅豔
桃葩娟娟嬌態
映叢篁欲舞還斜
輕棹漸移山並轉
武陵仙境無加
攜手登臨層巒乃山幽
水曲四望周遮
相尋二峰奇石一勺泉窪
道峰絕頂有二
峰精舍一
勺泉諸勝
花叢蘭畹比桃源
莫辨繁華爛醉峴亭
添逸興狂吟目送歸鴉

鼓笛慢

同董玉禾游
白雀山諸勝

名山夢想窮幽賞
數里松陰徑曲似蚪龍
蒼翠遮人面
趁暖濤風香馥有女如雲矣
百般豔冶真迷目
看青峰杳靄可人
春色堪留戀
頻行石磴

斜坡攀躋繞山巔萬竿綠竹蘭芬細路水流曲澗
聽淙淙飛瀑林外湖光遠望湖亭畔光堪掬奚囊
新句問曾收幾疊快佳招再續

沈允斌太史曰詩餘動推周柳大抵作兒女子
小窗喁喁語居多其於登臨游覽如東坡赤壁
介甫金陵諸詠其興會淋漓反遜一籌讀鶴亭
年兄春游諸調恍置我於山水窟中矣

粉蝶兒

上巳同姚孝廉觀
史樓登眺和韻

脩禊佳辰春光明豔成綺數青峰翠凝如洗鬱鬱
蒼松新綠草芳花紫望千家好似在煙霞裏 菜

涉江草卷四

三

色黃金紛紛燕忙鶯喜更泉流綠畦沙泚天然山
陰峻嶺蘭亭曲水永和風景此地何如矣

暗香

梅花

陽回線隙忽早梅先放漏春消息碎剪鮫綃巧鬪
成新樣標格片片微香暗度怎遣受黃昏寒寂那
笛裏吹徹關山幽怨與誰識 清影橫枝密正瘦
損芳容暖融冰魄飄飄馥襲舊夢羅浮醒堪憶多
少仙姿豔冶又誰似此花傾國留戀久莫忘了情
依脈脈

水龍吟

聞鴈

霜天晴靄沉沉忽聲叫半空淒緊玉關路遠洞庭
波闊頻呼顧影欸欸相調悠揚迭和笙簧誰引看
無端掠盡海雲空怎傳伊故園音信 儔侶參差
又整慣平鋪幾行斜陣迴文新樣斑管難擲巧排
偏穩鶴伴雲中鷗盟沙渚風流還遜最多情箇箇
相思錦字倩誰與省

謝池春慢

小除夜
話有感

霜鐘早動催換一番殘臘獸火辟餘寒村釀天真
豁寂寞孤吟興梅花伴琴榻景蕭索旅思結故園
此夜醉夢依稀說 宦游彈指又幾度芳菲節骨
月久分離萬里成拋撇顧影深相憐把酒愁華髮
年光老鬢休鐫春風將到且聽黃鸝舌

東風第一枝

除夕
對雪

杏蕊輸紅梅妝妬白絮飛滿院瑤壁花枝巧綴玲
瓏殘林早添春色天公何事一片片裁成五出料
綵勝莫倩東風飛燕已窺疎密 今夕對鬢毛同
碧明日裏年華更益澹容留伴椒觴淒涼怕吹玉
笛金缸漫倒看故惹謝莊衣濕霎一時春逼寒消
怎覓灞橋蹤跡

憶舊遊

答沈觀水
東寄長歌

記曲江分手蜀嶠吳雲幾度魂銷忽鴈飛天末有
相思錦字情重瓊瑤無數旅愁離恨高唱薄風騷
想擊筑當歌唾壺敲缺誰並詩豪 年來斷腸處
墮幾點啼痕欲語難描白髮羞窺鏡問如今何事
碌碌塵勞只有半枰殘局沉醉恣閒敲且莫說愁
思怕愁來雪添鬢毛

附沈觀水表叔東寄長歌

蜀山高蜀水溪文翁獨坐鳴瑤琴相傳開國四
萬八千歲霸圖王業何銷沉孰歌來莫存遺音
惟君浩氣橫古今古來匡濟不可量君才卓絕

涉江草卷四

五

真無上鑿柄繇來泯五丁繁陰定不辭交讓何
人爲叫碧雲開紫鳳銜書直北來治本漢廷推
第一早從青鎖陟烏臺顧余偃蹇靡所騁憶昔
相將度五嶺青草黃茅瘴癘消長鯨短域風波
靖恩噓寒谷徧炎綬報最聲名動 玉墀擬蠹
神羊威 北闕那馳文鹿牧西陲載離寒暑音
塵闊欲寄相思誰可達當時願託影形隨汗流
重趼今難越蜀山高蜀水溪唯君明達能知心

菩薩蠻

題沈開
遠小照

芙蓉豔豔秋光老天香縹緲頻登眺撫石獨盤桓

神閒骨節珊 冲襟黃叔度千頃涵情縹仙鹿伴
闌干羨門何處山

桂枝香

丹桂盛開用
張玉田韻

清秋爽氣正丹桂殷紅染成朱色馥馥天香縹緲
蕊宮疑摘腕蘭合伴憐柔脆笑東籬少此高逸芳
情幽意蕭然獨秀足供吟筆 老樹下彈碁促膝
且杯酒流連觴詠忘夕金粟飄飄却恐月中難得
露華點點如珠綴最沁人晚涼消息月斜枝上風
來雲外十分香逼

漁歌子

金鴈河泛
舟觀打魚

涉江草卷四

六

沱水清流碧一灣放舟波映澹雲山輕蕩槳漫垂
綸紫鱗撥刺白蘋間

又

小灘滾滾向江流斷岸欹橋蘆荻秋鳧鴨亂狎閒
鷗兩兩三三逐水浮

又

綠樹丹楓點點紅平橋落照似垂虹沉大網漾魚
簌樂事漁翁一笛風

又

汀曲蘆花似雪飛水天如鏡鴈差池蘋鯉赤鰕魚

肥大小髻鱗落釣磯

又

白鷺悠悠自往還
水車波轉聽潺湲
飛鱗縷雪堆盤滿
酌香醪盡日閒

解語花

水蓼

芰荷香暖翠莖波深冷
澹疎枝映星星紅黍飄泊
處惹起游魚潑荇采蓮人到看密點雲鬟繡領斜
欲墜纖軟堪憐慣倒窺波影
最愛曲池千頃伴芙蓉嬌豔點綴秋景鴛鴦交頸雙雙戲掩映翠深
紅凝蕩移小艇領略微雨斜陽暝那漁父輟棹歸來零落滄江冷

涉江草卷四

七

飛雪滿羣山

虞美人

鶯粟分形芳名獨占柔姿婀娜堪憐淺妝粉綠濃
施朱紺髻髯西子當年縱春華滿目怎比楚宮新
樣鮮慎莫教這蜂穿蝶舞惱亂落花鈿
又看那嬌情留戀處撩人多刺綽約踟躕巫雲蜀雨柳煙
梧月正芳容分外妍怕腰肢纖軟狂飈重嬌酣困
眠東君知否輕陰只做養花天

綺羅香

秋海棠

弱不禁風柔來怕日嬌小含羞未吐貼梗垂絲前

度依稀媚嫵渾疑是睡起初勻又窈窕凌波微步
算西風木落飄零嫣然獨笑胭脂雨 幽情漫繞
石畔嫩葉蕉陰相映紅絲如縷蝶粉添妝莫被秋
娘摘去空點露姿態瓏鬆慣含霞冶容如妬認那
時作伴東籬尚珊珊豔舞

望江南 春海棠新葉

東風扇嫩葉龍葱色似茜點綴嬌容半玉芽掩映
枝頭燦紅片片怕落御溝流錯惹相思怨

如夢令

海棠新蕊含笑半開嫣然
可愛欠卜其旋同寅調

嫩蕊嬌紅如醉映日臨流更媚春睡未酣時故故

涉江草卷四

八

低垂無計渾似渾似二八香閨初試

拜星月慢

維城海棠奇豔流連觴詠興
酣忘夕長歌不足復作此解

梅雪方消梨雲正暖十丈嬌紅蕊密密裊裊垂垂染
臙脂初濕笑含顰別有天香飄渺此地依然香國
半斂將開妬紅顏羞澀 曲池邊花繞游絲織錦
霞映人面桃腮色似卯酒醉初醒媚態酣無力料
天仙傾國猶難敵最堪愛朱萼珊瑚粒把銀燭簾
底高燒怎描伊標格

點絳脣 海棠初謝

澹減紅妝香隨柳絮飄來去黃鸝翻處點點飛紅

雨 愛惜嬌容那得花鈴護碧雲暮鬢髮欲舞無
計留伊住

法曲獻仙音

庚午生日自
壽并題小照

萬里蓬飄十年萍跡心事頓成流水造化安排天
公何意半生耗磨如此把酒問天沉醉知我身真
寄 壯心已祇剩有滿牀書軸且嘯傲抱膝自娛
童穉那宦橐黃金怎比余繼鳳增二 其熊粵中產
也漢署三載
連產其嬰 湯餅初成恰今日揆度同喜白髮蕭蕭
也歸去帶鋤教子

